



35. ՇՆՈՐՀԱԼԻ ԱՂՋԻԿԸ

Թագավորը դնեց վըր լալին. - Քենե կուգեմ մեկ գեշ եմակ, գեշ ամնիմ մեջ, գեշ մարդում ծեռ, բերա. չէ՛, վիզդի կը գարկիմ:

Ասաց լալեն. - Ուրուսխաթ տու, էրթամ, բերեմ:

Էն տեղեն լալեն էկավ տուն, օխեմ ցորեմ խաշեց, էնեց վոխկ, թաղեց հողե ամնիմ մեջ, տվեց ընծի պես ըռնճարիմ ծեռ. առավ, գնաց թագավորի հուզուր, թագավոր հարցուց. - Տղես, էդա ի՞նչ կերակուր ա:

Ասաց. - Թագավոր սաղ կենա, կերակուր ա:

- Գիտեմ, կերակուր ա. մերանը ինչից ա:

Ասաց. - Մերանը ցորեն ա:

Ասաց. - Պա ամա՞նը ինչից ա:

Ասաց. - Հողից ա:

Ասաց. - Դու ի՞նչ գործով ես:

Ասաց. - Աստուծո ծառան եմ:

- Որդիս, - ասաց, - մենք հըմենս լե Աստուծո դուլ եմք, դու ի՞նչ բանով կաշխատիս:

Ասաց. - Ես ըռնճար եմ:

Էլման դնեց վըր լալին. - Լալա՛:

Ասաց, - Հա, շքեթիմ, - ասաց:

- Քենե կուգեմ, - ասաց, - մեկ գեշ եմակ, գեշ ամնի մեջ. գեշ մարդու ծեռ:

Լալեն րուսխաթ առավ, ետ դարձավ, էկավ տուն. «Լուն ընկի ճակտեն, կեղի խազար կտոր». մըրթըներ կախեց, նստավ տուն, «քրտինք

տվեց վրեն», «քրտինք կուգա, քրտինք կը պաղի»: Էդոր մեկ աղջիկ կա, ըսկի ավլատ-թավլատ չկա, էկավ էդ աղջիկ ընկեավ խոր վիզնուվեր, ասաց. - Ափո՛, հըսօր ըսկի ընծի էմիշ, բան բերեր ես:

Աղջկեն զարկեց. - Ճեյնըմի՛, գնա դեն, - ասաց, - հըմեն օր քըզի քեյֆ կա, էս օր ընծի չկա:

Սրտի քեարպեն աղջկան էնեց գող ու բոզ:

Աղջիկ գնաց. մեկ սահաթ խաղար զատանց կայնավ, դարձավ, խորն ասաց. - Ի՞նչ վաղտ գողութեն, բոզութեն էներ են:

Ասաց. - Լավո՛, իմ սրտի քրպեն, թագավոր դնե վըր ընծի. «Քենե կուգեմ մեկ գեշ եմակ, գեշ ամնի մեջ, գեշ մարդու ձեռ, բերա ընծի», մկա չգիտեմ:

Ասաց. - Ափո՛, փրցըցող Աստված կը փրցուցա, քու տուն չավիրի. էդի մեր դման առջի դռնե՞ արտն ա». Էդոր խամար էդեր ես շվար. «գարնան սնկյան պես գլխդ քրքզներ ա»*. Ասաց. - Դե՛, գնա՛, հոխեն բրինձ ա՛ռ, արի. գնա՛, ժանգոտ պղինձ մի ա՛ռ, արի, որ քսան տարի սրբած չէղի. մեկ հատ էլ տնփեսեմ՝ գտի, էլ քե լաղա չկա: Ես կը շքեմ, դու տար թագավորին. թագավոր օր դայիլ չէղավ, ասա՛. «էսոր ուստեն իմ աղջիկն ա, թո տանի, իմ գլխ զանի»:

Աղջիկը բերեց, շքեց տնփեսին աղեկ, սիրուն շոր խագուց. սահաթմ մեկ թևեն կախեց, մեկ՝ մեկ թևեն, եմակ տվեց էդ տնփեսի ձեռ, առան, էրկըսով գեացին թագավորի հզուր, գլխի իջուցին:

Թագավոր հարցուց. - Տղես, էդ եմակ ինչ եմակ ա:

Ասաց. - Եմակ ա, թագավոր:

Ասաց. - Գիտեմ, եմակ ա, մերանը ինչից ա:

Ասաց. - Խոտից ա:

Ասաց. - Էսա ամանը ինչ աման ա:

Ասաց. - Աման ա:

Ասաց. - Գինամ, աման ա, մերանը ինչ ա:

Ասաց. - Մերանը պղնձից ա:

Ասաց. - Դու ի՞նչ մարդ ես, ինչ գործ կը կատարես:

Ասաց. - Աստուծո ծառան եմ:

- Տղես, - ասաց, - մենք հըմենքս լե Աստուծո ծառան ենք. դու ինչ մարդ ես:

Ասաց. - Ես լե տնփեսա եմ, թագավոր ապրած:

* Գարնան սունկ ջոջ կեղմի (ծ.բ.):

Ասաց. - Ապրիս, տղես, դե գնա՛:

Եդ տեղ լալեն ուրախացավ, թագավոր դնեց վըր լալին, ասաց. - Ես մարիֆաթ մըտ քեն չկա, քեն ո՛ն սովըրցուց, քեզնե կուզեն՝

Ասաց. - Թագավոր սաղ մնա, ընծի մեկ խատ աղջիկ կա, տասնը-խինգ տարեկան, էն ա՛:

Ասաց. - Էն աղջկա հող վըր քու գլխուն եղի, գնա, դուրպան եղի էնոր, չէ՛, քու գլխի պտի զարկի՛:

Ասաց թագավոր. - Գնա՛, էն աղջկեն ասա՛, ընծի չառնի՛:

Լալեն ուրախալեն վազեվազ էկավ տուն, աղջկեն ասաց՝

Աղջիկ խոր ասաց.- Գնա՛, թագավորին ասա թե կառնեն՝

Գնաց, թագավորին ասաց՝

Ասաց. - Գնա՛, քու աղջկեն ասա, դալան ինչ կուզա՛:

Էկավ, աղջկեն ասաց՝ Աղջիկ ասաց. - Դալան՝

Ասաց. - Խա՛:

Ասաց. - Ընտրեն կուզեն տասնըխինգ շիշակ. կուզեն քսան խոչ, կուզեն եռսուն ասլան, քառսուն դափլան, հիսուն իտիշ, վաթսուն այկըռ, էթմիշ ջորի, սեքսան դևա, դոխսան խելք, խարիր ֆարասաթ՝

Լալեն ուրախելին վազեց, գնաց, թագավորին ասաց՝

Թագավոր ասաց. - Լալա, եդ քու աղջիկ ուրիշ բան ա կուզա, էդոր պատասխանը քենե կուզեն. թե չէ գլխդի կը զարկեն՝

Ասաց. - Յաման, թագավոր, խոզի կազատես՝

Ասաց. - Գնա՛, քու աղջիկ առ արի՛:

Էկավ, աղջիկ առավ, գնաց՝ Աղջիկ գնաց, ձեռ կապեց թագավորի հուզուր. գլխի իջուց, ետ կայնավ՝

Թագավորը ասաց. - Աղջի՛, ես քե ի՛նչ ասեցի, դու ընծի ինչ ասեցիր. ես թագավորմ եղիմ, դու աղջիկմ եղիս, եդա դսեն ընծի ասե՛ս՝

Ասաց. - Թագավոր սաղ մնա, դաստուր տո՛ւր, էրկու բերան զրուցեն՝

- Քե բուխսաթ, ասա՛, մեկ խապարմ պակաս էղու, գլխդի կը զարկեն՝

Ասաց. - Ես տասնըխինգ տարեկան շիշակ եմ. ծի պտի քսան տարեկան դոչ, որ ուրախութեն էնենք: Ես եռսուն տարեկան ասլան եմ, ծիկ պտի քառսուն տարեկան դափլան. օր ծի կառավորե: Դու եղեր իս հիսուն տարեկան, քե պտի վաթսուն տարեկան կնիկ: Դու եղեր իս եթմիշ տարեկան, ջորու պես բան մի, քեզնե նյութ չկա, քե պտի սաքսան տարեկան կնիկմ ամայի պենտե: Ես հուստ գտնեմ դոխսան տարվան

խելք, խարիր տարվան ֆարասաթ որ քղզի կնկնութեն էնա, դու էլ ասես թե ընծի կնիկ կա:

Ասաց. - Որդի՛, գնա՛, ես հիսուն տարի թագավորութեն էնեցի. մարդ ընծի չէր ծալեր խոսքով, դու ընծի ծալեցիր. դուն իմ խոգական որդին ես, աղջիկ, քե երկու խարիր օսկի թարխան կապեցի:

Լալին էլ ասաց. - Դե, էլի՛, գնա ուրիշ տեղ, իմ աչքին էլ չէրևաս. դու ֆայլութենի խարճ իս:

